


Fasnacht 1951

DIE ABVERHEITE



Sujet:

Friss Di schlangg

(e-n-aktuelle Wuche-Diät-Spys-Zedel mit gschmaggvolle Rezäpt
inspiriert vom Wunder-Kur-Pfuscher Cool(ey)dampf
syne Bescht-Seller(i)-Fibel-Fable)

1. Dag: Komi-Tee-Dag

(als Bylag al Reedli belaidigti Läberwurscht, e baa
hindedalangi Aiernuudle und e Schächteli gueti Vitamynne
zum beese Spil)

D'Firschte vom Comité bilde sich y,
Si scephfe Humor us em Volle.
Uff olympischi Sujet schnabbe si y,
Me darf si nit schiebe-n-uff d'Rolle.

2. Dag: Milch-Dag

(über die Geschmägger — au vom Drinkwasser — wirc
gestritten)

D'Kieh frässe Trix, d'Milch schmeggt wie Petrol,
Bi Scharlach gits längerer Ferie,
Doch waggse drotz DDT und Cibazol
d'Kulturfilmsychi-Bakterie.

Dag: **Flaisch-Dag**

mit Elefante-Byffdegg à la «Prince d'Angenstein»

Der Ylp us em Zolli raist franko wyt furt,
Vor Haimweh d'Posaune go fasse.
's Ungligg isch gross. Noch dr Widergeburt
Als Regierigsroot hoggt er an d'Kasse.

Dag: **Russischl Aler mit 1. Mal-onäse**

(als Hors d'(Wahl-Man)œuvre ai Tranche kalti Schultere)

Mangoldigi Zyte, wie wärde die rar!
Bald isch 's Huus zum Gold vergässe.
Isch ächt d'PdAbbruch jetz OeKKaviar
In d'Dalbe gange go frässe?

Dag: **Obscht-Dag**

unter Palme bsunders xund

Wenn D'gnueg hesch vom Chlor-Halle-Schwimm-
Vo Kokos-Diät und Zitrone, [Südsee-Bad,
Kumm mit mer ins Wallis, dert hänn si barad
Tomate-Jus frisch ab dr Rhone.

Dag: **Kohl-Dampf-Dag**


fir die ewig Geschtrige wo vom Aesse nit schlangg
wärde, sondern als wie meh in d'Braiti gehn.
A propos Braiti:

E «Braiti Brugg» schynt nimme 's neetigschti z'sy.
Wenn schlangg gnueg sinn Fraue-n-und Manne,
Denn ka me-n-als «Schmali Brugg» iber dr Rhy
E lange Geduldsfade spanne.

vor de **Fescht-Dag:**

Basler Verkehrs-Bedribs-Miesli mit ere Portion
gräucheretem Pärlesuppehuhn (uff Muschle serviert)

Verstopft isch als d'Stadt, wenn kai Dram fahre mag.
E Doggter het d'Grind drfir gfunde:
Dr Rauchdramdiräggtter haig schynts sälli Dag
Halt aifach nit kenne go pfuuse.



Am Fasnachts-Zyschtig findet dr Bebbi
sy gaischtigi Nahrig in dr
Latärne-n-Usstellig in dr Basler Halle.